

Në bazë të dispozitave të Ligjit nr. 04/L037 për Arsimin e Lartë në Republikën e Kosovës, e në përputhje me dispozitat e nenit 4 paragrafi 3 të Statutit të Përkohshëm të Universitetit të Prizrenit, Senati mbajti mbledhjen më datë: 18.05.2012 dhe miratoi këtë:

KODEKSI I SJELLJES SË STUDENTËVE TË UNIVERSITETIT TË PRIZRENIT

Universiteti i Prizrenit University of Prizren Univerzitet Prizrena	
Pranuar me dt. 31.07.2012	
Zyra e pranimit	Nr. i protokolit
22	1393

Neni 1

Ky kodeks përmban norma për sjelljen e studentëve në pajtim të plotë me rregullat dhe udhëzuesit si dhe me autoritetin dhe reputacionin publik të Universitetit të Prizrenit në tekstin e mëtejme Universiteti.

Neni 2

Studentët e Universitetit të Prizrenit (në tekstin e mëtejme *studentët*), obligohen t'u përmbahen plotësisht dhe pa asnjë përjashtim dispozitave të këtij Kodeksi.

Neni 3

Studentët janë të obliguar që: ta ruajnë autoritetin publik, dinjitetin dhe reputacionin e Universitetit, të fakultetit, të profesorëve, bashkëpunëtorëve, të të punësuarve të tjerë dhe të gjithë studentëve;

Të marrin pjesë në ligjërata, ushtrime dhe në të gjitha format dhe modalitetet e mësimit, të definuar në planin dhe programin mësimor si dhe me rregullat dhe me udhëzuesit e studimeve;

Të marrin pjesë në mbledhjet dhe seancat e organeve të fakultetit të tyre dhe të universitetit në të cilat organizma janë anëtarë ose përfaqësues legal dhe të autorizuar;

Të sillen dhe të veprojnë në mënyrë të kulturuar, të jenë tolerant dhe korrekt, ndaj profesorëve, bashkëpunëtorëve, të punësuarve, të studentëve dhe ndaj të gjithë personave të tjerë fizik dhe juridik, pa dallim, brenda ose jashtë hapësirave të Universitetit dhe kudo qoftë;

T'i respektojnë rregullat e mirësjelljes në hapësirat e Universitetit dhe jashtë tij;

Ta ruajnë pasurinë, asetet dhe hapësirat e Universitetit dhe përreth tij etj.

Neni 4

Të drejtat e studentëve

Studentët sipas këtij kodeksi kanë të drejtë:

Të drejta të barabarta në procesin mësimor, pa marr parasysh racën, etninë-nacionalitetin, besimin fetar, gjininë, bindjet politike dhe të tjera bindje dhe orientime, statusin social apo ndonjë tjetër status në përputhje me dispozitat ligjore dhe parimet etike të qytetarit;

Të drejtën në siguri dhe respekt të secilit individ dhe të integritetit të tij;

Të drejtën në socializim dhe në bashkim shoqëror;

Të drejtën në qasje të akteve të shërbimeve përkatëse të Universitetit për çështjet studentore dhe të studimeve;

Të drejtën në marrëdhënie dhe sjellje të kulturuar, akademike dhe dinjitoze të profesorëve, bashkëpunëtorëve, ligjëruesve dhe të punësuarve tjerë ndaj studentëve;

Të drejtën e ankesës në rast të shkeljes së dispozitave të Kodeksit në dëm të studentëve;

Të drejtën në realizimin dhe sublimin e të gjitha planprogrameve, pjesëmarrjeve aktive në procesin mësimor;

Të drejtën e pjesëmarrjes në punën hulumtuese, kërkimore dhe profesionale;

Të drejtën në pjesëmarrje dhe vendimmarrje në të gjitha çështjet studentore ose nëpërmjet përfaqësuesve të tyre;

Të drejtën e pjesëmarrjes në aktivitetet të jashtme mësimore në sferën e kulturës, të artit, sportit dhe jashtë vendit- konferenca profesionale, seminare, konsulta, takime ekskursione etj.

Neni 5

Sjellja e padenjë dhe e papranueshme e studentëve konsiderohet:

Vonesa, mosardhja ose lëshimi i mësimit dhe mospërbushja e obligimeve tjera mësimore;

Të penguarit e çfarëdo forme apo mënyre gjatë të mësuarit në bibliotekë ose në procesin mësimor (ligjërata);

Mungesa e paarsyeshme në seancat dhe forume në të cilat studenti është anëtar;

Shkatërrimi i qëllimshëm ose pakujdesia ekstreme që shkakton edhe dëmin më të vogël;

Veshmbathja e papërshtatshme, ekzibicioniste, e pahijshme dhe antietike;

Sjellja nxitëse provokative, shpotitëse, fyese dhe nënçmuese.

Neni 6

Procedura disiplinore për sjelljen e studentëve nënkupton:

Falsifikimi i dokumenteve, nënshkrimeve dhe dokumenteve tjera përkitazi me sendërtimin e të drejtave të studentëve-indeksi, fletëparaqitja, certifikata, vërtetimi etj., dhënia e rrejtshme e të dhënave të individëve dhe organizmave përkatës dhe kompetent të Universitetit ose realizimi i favorit i cili nuk i takon në bazë të dispozitave në fuqi;

Dëmtimi, tjetërsimi, tentimi për abuzim ose edhe keqpërdorimi i pasurisë së Universitetit;

Shkaktimi i çrregullimeve, zënkave dhe pjesëmarrja ose shtytja indirekte dhe invisible e pjesëmarrjes në çrregullim ose në rrahje, në hapësirat e Universitetit ose jashtë tij.

Konsumimi i alkoolit, dregës dhe shitja e tyre dhe vënia në qarkullim;

Dhënia e provimeve për persona të tjerë, ose prezantimi i rremë i çfarëdo forme, i përdorimit përkatësisht të keqpërdorimit të mjeteve elektronike si dhe i mjeteve dhe i mënyrave të tjera për dhënien e provimeve dhe të modaliteteve të tjera të vlerësimit në Universitet;

Qasja e paautorizuar ose e palejueshme e sistemit kompjuterik dhe të gjitha veprimet që janë në kundërshtim me normat morale dhe etike të pranuar në shoqëri si dhe të gjitha veprat që me ligj janë të parapara si të dënueshme.

Neni 7

Në rast të cenimit apo edhe të shkeljes së cilësdo pikë nga neni paraparak i Kodeksit të sjelljes, kundër studentit fillohet procedura disiplinore. Procedurën disiplinore e fillon koordinatori i fakultetit përkatës në bazë të propozimit të arsyetuar me shkrim të profesorit ose bashkëpunëtorit nga radhët e të punësuarve në fakultet përkatësisht në Universitet.

Procedurën disiplinore mund ta procedojë edhe organizata sindikale, nëse është e organizuar ose parlamenti studentor.

Koordinatori i Fakultetit përkatës në konsultim me menaxhmentin e Universitetit, e cakton komisionin disiplinor prej tre anëtarësh kurse njëri nga prej tyre duhet të jetë nga radhët e studentëve të fakultetit përkatës dhe i cili duhet ta caktojë shkallën, vëllimin dhe peshën e përgjegjësisë përkatësisht të kundërvajtjes.

Vendimi për shqiptimin e masës disiplinore në bazë të gjetjeve të komisionit e bie koordinatori i fakultetit përkatës.

Forma më e butë e masës disiplinore është vërejtja publike e cila mund të nënkuptojë ndalesën e hyrjes në të gjitha provimet në të dy afatet pasuese të provimeve.

Forma më e rëndë e masës disiplinore nënkupton përjashtimin e studentit, me ç'rast ai e humb statusin e studentit si dhe të gjitha të drejtat që i garanton statusi.

Vendimi i Komisionit Disiplinor me arsytim, duhet të përmbajë edhe udhëzimin përkatës për ankesë në afat prej 15 ditësh.

Ankesa i dërgohet senatit të Universitetit për shqyrtim përfundimtar

Në rast anekse nga studenti, Senati pasi shqyrtimit merr vendim definitiv mbi masën disiplinore.

Pas vendimit të Senatit nuk mund të bëhet ankesë.

Neni 8

Mosrespektimi dhe moszbatimi i dispozitave të këtij kodeksi nga Studentët, konsiderohet shkelje e rëndë e disiplinës dhe e sjelljes.

Neni 9

Mosangazhimi i plotë ose shmangja e çfarëdo forme dhe intensiteti i pjesëmarrësve në komisionin disiplinor dhe në Senat, për zbatimin e plotë në jetë të dispozitave të këtij kodeksi, paraqet bazë të mjaftueshme për inicim të procedurës disiplinore, për shkelje të detyrave të punës, rrjedhimisht për ndërmarrjen e masave ligjore dhe atyre që lidhen me mos përmbushjen e obligimeve kontraktuale.

Neni 10

Ndryshimet dhe plotësimet eventuale të këtij kodeksi bëhen në mënyrë dhe në procedurë të njëjtë si me rastin e inicimit dhe të miratimit të tij.

Neni 11

Ky Kodeks hynë në fuqi në ditën e miratimit të tij nga Senati i Universitetit.

KRYETARI I SENATIT

Prof. Dr. Mazllum Baraliu



Prizren më: 18.05.2012